

КАМЕРАЛ СОЛИҚ НАЗОРАТИ, РИСК АНАЛИЗЛАРНИ СМАРТ ТЕХНОЛОГИЯЛАРДАН ФОЙДАЛАНИЛГАН ҲОЛДА АМАЛГА ОШИРИШНИ ТАКОМИЛЛАШТИРИШ

Тошмаматов У.С.

Ўзбекистон Республикаси Банк-молия академияси магистранти

А Н Н О Т А Ц И Я

Мазкур тадқиқотда Республика давлат солиқ хизмати органлари фаолиятини янада автоматлаштириш орқали тадқиқот давомида ишлаб чиқилган илмий таклиф ва амалий тавсиялар камерал солиқ текшируви ва риск анализларда смарт технологиялардан фойдаланиш тартибини такомиллаштириш, ушбу жараённи самарали амалга оширишда бошқа вазирлик ва идоралар билан электрон ҳамкорликни кучайтириш, маълумотларни таҳлил қилишда хорижда фойдаланилаётган имкониятларини маҳаллийлаштириш ва натижада солиққа оид хукуқбузарликларни олдини олишда ва солиқ тўловчи томонидан мустақил равишда бартараф этилишини таъминлаш йўналишалри очиб берилган, ҳамда хуфиёна иқтисодиётни камайтиришга хизмат қиласи.

Калит сўзлар: Камерал назорат, риск анализ, ахборот-коммуникация технологиялари, маълумотлар базаси, интеграция, автоматлаштириш, солиқ тўловчилар, давлат солиқ хизмати

A B S T R A C T

In this study, the scientific proposals and practical recommendations developed during the study by further automating the activities of the state tax service bodies of the Republic, improving the procedure for using smart technologies in camera tax audits and risk analysis, strengthening electronic cooperation with other ministries and agencies in the effective implementation of this process, analyzing data abroad directions for localizing the used opportunities and as a result preventing tax offenses and ensuring their independent elimination by the taxpayer are revealed, and serve to reduce the secret economy.

Keywords: Camera control, risk analysis, information and communication technologies, database, integration, automation, taxpayers, state tax service.

КИРИШ

Мамлакат иқтисодиётини узоқ муддатли ривожлантириш борасида кенг кўламли ислоҳотлар амалга оширилаётган шароитда самарали солиққа тортиш

тизими ва давлат солиқ хизмати органларининг уйғунлашган фаолияти алоҳида аҳамият касб этади.

Давлат солиқлар ёрдамида ўз бюджетини тўлдиришдан ташқари, иқтисодиётда таркибий ўзгаришларни амалга ошириш, ЯИМни қайта тақсимлаш, талаб ва таклифни рағбатлаштириш каби функцияларни бажаради.

Жамиятда солиқка оид ҳуқуқбузарликларни содир этилиши – давлат томонидан юқорида санаб ўтилган функцияларни тўлиқ ва сифатли бажарилмаслигига олиб келади.

Бугунги кунда солиқлар йиғилувчанилигини ошириш учун коммерал назоратни амалга ошириш ва риск анализлар маълумотларини тўплайдиган базанинг такомиллашмаганлиги, давлат солиқ органларига мутсадди идора ва ташкилотлар томонидан ўз вақтида ва сифатли маълумотлар тақдим этилмаётганлиги, корхоналарнинг солиқ мажбуриятлари самарали усул орқали назорат қилинмаётганлиги, камерал солиқ текширувини оддий арифметик амаллар орқали амалга оширилиши оқибатида солиқ назорати кўпроқ инсон омилига боғлиқ бўлиб қолмоқда.¹

Бу эса ўз навбатида мамлакатда хуфёна иқтисодиётни юзага келтирувчи омиллардан бири ҳисобланади. Солиқ базасини яшириб, солиқдан қочиш, қинғир йўл билан даромадини кўпайтирган тадбиркор бозорда соғлом рақобат муҳитини бузади ва инсофли солиқ тўловчиларга ҳам иқтисодий ҳам ахлоқий зарар етказади. Бошқа томондан олиб қаралганда, солиқ органлари томонидан ҳуқуқбузарликка қарши кўрилган жазо-чоралари, хўжалик юритувчи субъектларнинг молиявий ҳолатини ёмонлашишига, ўз бизнесини режалаштиришда изчиллик йўқолишига ҳам олиб келиши мумкин.

Бизнинг фикримизча бунга асосий сабаб, солиқ рискларини аниқлаш, баҳолаш ва олдини олиш чора-тадбирлари тизимлаштирилмаганлиги, ушбу йўналишга маълумотлар базасидаги ахборотларни инсон омилисиз самарали таҳлил қилиш воситалари мавжуд эмаслиги, ушбу йўналишга узвий боғлиқ бўлган қонун хужжатларида бўшлиқлар мавжудлиги ва бошқа вазирлик ва идоралар билан ўз вақтида электрон ахборот алмашиш амалга оширилмаётганлигидадир.

АСОСИЙ ҚИСИМ

Рақамли технологиялардан фойдаланиш дунё бўйлаб тез ва кенг тарқалмоқда. 2015 йилги маълумотларга кўра, сўнгти 10 йилликда дунё бўйича интернет фойдаланувчилари 3 баробарга кўпайиб 3.2 млрд.ни ташкил этган. Аксарият ривожланган ва ривожланяётган давлатлардаги фуқаролар мобил

технологиялардан, улар орқали ўқув юрти, электр-энергия, ичимлик суви каби тизимларнинг электрон хизматларидан фойдаланиш имкониятига эга.

Бу шуни англатадики, ҳозирги кунда фуқаролар, хўжалик юритувчи субъектлар ва давлатлар ўртасида ўзаро электрон боғланиш имкониятига эга тармоқ мавжуд ва бу маълумотларни умумийлаштириш ва ўзаро фойдаланиш имкониятини яратади. Сўнгги 20 йилликда электрон маълумотларни тўплаш, сақлаш, қайта ишлаш, кузатиш ва тарқатиш бўйича сезиларли ривожланиш кузатилди. Ҳуқуматлар йилдан-йилга электронлашиб бормоқда.²⁷

Камерал солик текшируви тушунчаси Ўзбекистон Республикаси Солик кодексининг (2020) 138-моддасида қайд этилган бўлиб, солик тўловчи (солик агенти) томонидан тақдим этилган солик хисботини, молиявий хисботни, шунингдек солик тўловчининг фаолияти тўғрисида солик органида мавжуд бўлган бошқа хужжатлар хамда маълумотларни тахлил қилиш асосида солик органи томонидан ўtkазиладиган солик текшируви хисобланади.²⁸

Камерал солик текшируви солик Кодекснинг 88-моддасида белгиланган даъво муддати ўтмаган солик даврларига нисбатан ўтказилиши мумкин. Камерал солик текшируви жараёнида солик органи солик тўловчиidan (солик агентидан, учинчи шахсдан) хисобга олиш хужжатларини, тақдим этилган солик хисботига ва хисобга олиш хужжатларига доир тушунтиришларни, шунингдек солик ҳамда йиғимларни хисоблаб чиқариш ва тўлаш билан боғлик бошқа ахборотни солик Кодексда назарда тутилган тартибда сўраб олиши мумкин.²⁹

Агар солик тўловчи камерал солик текшируви тугагунига кадар ушбу Кодекснинг 83-моддасида³⁰ назарда тутилган тартибда хисоблаб чиқарилган солик суммаси ўзгартирилган аниклаштирилган солик хисботини тақдим этса, камерал солик текшируви тақдим этилган аниклаштирилган солик хисботини хисобга олган холда ўтказилади.

Агар ўтказилган камерал солик текшируви якуни билан тақдим этилган солик хисботида тафовутлар ва (ёки) хатолар аникланган бўлса, солик органи солик тўловчига солик Кодексда белгиланган тартибда солик хисботларига тузатишлар киритиш талабномасини юборади.

Солик хисботига тузатишлар киритиш ҳақида талабнома юборилган сана камерал солик текшируви тугатилган сана хисобланади. Агар ўрганиш ва таҳлил қилиш якунларига кўра тафовутлар ва (ёки) хатолар аникланмаган бўлса ҳам камерал солик текшируви якунланган хисобланади.

²⁷ Халқаро валюта фонди, 2019

²⁸ Ўзбекистон Республикасининг Солик кодекси, 2020.

²⁹ Ўзбекистон Республикасининг Солик кодекси, 2020.

³⁰ Ўзбекистон Республикасининг Солик кодекси, 2020.

Солик тўловчи тузатишлар киритиш тўғрисидаги талабнома олинган қундан эътиборан ўн кунлик муддатда тегишли соликлар ва йифимлар бўйича аниқлаштирилган солик хисботини ёхуд тасдиқловчи хужжатларни тақдим этган холда аникланган тафовутларнинг асосномасини солик Кодексда белгиланган тартибда тақдим этади.³¹

Камерал солик текшируви қуйидаги ҳолларда ўтказилади:

Соликка оид хуқуқбузарлик содир этиш хавфи даражасидан келиб чиқиб, «Таҳлика-таҳлил» дастурий маҳсулоти натижасига кўра соликка оид хуқуқбузарлик содир этиш хавфи юқори ёки ўртacha бўлганда;

солик органига жисмоний ва юридик шахсларнинг солик тўғрисидаги қонун хужжатлари бузилиши ҳақидаги мурожаатлари келиб тушганда;

солик ҳисботидаги хато ва (ёки) солик ҳисботидаги тафовутлар аниқланганда.

Солик тўловчи томонидан илгари тақдим этилган солик ҳисботига нисбатан тўланиши лозим бўлган солик суммаси камайтирилган ёки кўрилган зарар суммаси қўпайтирилганлиги сабабли, аниқлаштирилган солик ҳисботи тақдим этиш ҳолатлари бўйича ушбу солик тўловчида камерал солик текшируви ўтказилади. Бунда, камерал солик текширувани ўтказиш, аниқлаштирилган солик ҳисботи тақдим этилган қундан эътиборан уч кун ичida бошланади.

Солик хавфи даражасини аниқлаш мезонлари ва солик тўловчиларни тоифаларга ажратиш тартиби

Солик тўловчилар солик хавфи даражасига қараб паст, ўрта ва юқори хавфли тоифаларга ажратилади.

Солик хавфи даражаси мезонлари маҳфий ахборот ҳисобланади, қуйидагилар бундан мустасно:

солик юки;

илгари тақдим этилган солик ҳисботларига бир неча бор (бир ҳисбот даври учун ва ундан ортиқ марта) ўзгартириш ва қўшимчалар киритилиши;

солик ҳисботида бир неча солик давридаги (икки ва ундан ортиқ) заарлар акс эттирилиши;

солик даври давомида солик тўловчининг жойлашган жойи бир неча бор (икки ва ундан ортиқ марта) ўзгартирилиши ва кейинчалик қайта рўйхатдан ўтказилиши;

қўшилган қиймат солиғи бўйича гувоҳномаси бекор қилинган (рўйхатдан чиқарилиб ташланган), шунингдек, тугатилган, фаолиятини амалга

³¹ Ўзбекистон Республикасининг Солик кодекси, 2020.

оширмаётган, банкрот деб топилган шахслар билан амалга оширилган битимлар (операциялар);

соф фойданинг харажатларга нисбати сифатида аниқланадиган рентабеллик кўрсаткичи паст даражада бўлиши;

солик тўловчи томонидан тақдим этилган қўшилган қиймат солиги бўйича солик ҳисботидаги операциялар тўғрисидаги маълумотларнинг, ушбу операциялар бўйича бошқа солик тўловчи томонидан тақдим этилган солик ҳисботидаги маълумотларга мос келмаслиги;

Солик кодексига асосан маҳсус солик режимларини қўллаш ҳукуқини берадиган оборотларини бир неча йил давомида бир миллиард сўмдан паст миқдорда солик ҳисботларини тақдим этиши;

ўтказилган солик текширувлари натижалари.

Солик юки, қуйидаги тартибда аниқланади:

$$B = T \times 100\% / In$$

Бунда:

B — солик юки;

T — солик даври давомида тўланиши лозим бўлган соликлар суммаси;

In — солик даврида товарларни (хизматларни) сотишдан тушган даромад.

Солик юки кўрсаткичи иқтисодий фаолият турлари бўйича аниқланади. Иқтисодий фаолият турлари бўйича ўртacha солик юки кўrсаткичи Давлат солик қўмитасининг расмий веб-сайтида ҳар йили эълон қилиниб борилиши шарт.

Курилиш соҳасида фаолият юритадиган солик тўловчиларнинг хавф даражаси қуйидаги мезонлар асосида баҳоланади:

курилиш ишларини амалга ошириш учун лозим даражада ходимлар, омбор, транспорт ва ускуналар билан таъминланмаганлиги;

ишларни бажариш учун солик ҳисботларида зарур харажатларнинг акс этмаслиги;

битта объектда, курилиш ишларини олиб борувчи шахсларнинг ўзаро боғлиқлиги;

курилиш ишларини амалга оширувчи янги ташкил этилган солик тўловчининг банқдаги ҳисобварагига йирик миқдордаги маблағ келиб тушуши;

хом ашё ва материалларни сотиб олиш учун ажратилган маблағларнинг курилиш ҳажмига нисбатан номутаносиблиги;

тугалланган курилиш объектларининг таннархига яқин нархларда сотилиши;

марказлаштирилган манбалар ҳисобидан молиялаштириладиган курилиш объектларида харажатларнинг тўлақонли акс эттирилмаганлиги.

Солиқ хавфи даражаси солиқ хавфи мезонлари асосида аниқланади, уларга 1 дан 100 гача бўлган баллар берилади. Бунда ҳар бир мезон бўйича балл бериш Давлат солиқ қўмитаси томонидан солиқ тўловчиларнинг иқтисодий фаолият тури бўйича сегментланиши ва солиқ даври учун олинган даромад миқдорига қараб белгиланади.

Солиқ хавфи даражасига қараб солиқ тўловчилар Дастур орқали солиқ хавфи даражасини аниқлаш мезонига белгиланган баллар ва потенциал солиқ хавфи асосида баҳоланади ҳамда тоифаларга ажратилади.

Солиқ хавфи даражаси қуидаги формула асосида ҳисобланади:

$$R = Sr / Sp \times 100\%$$

Бунда:

R — хавф даражаси (фоизда);

Sr — солиқ тўловчига берилган хавф баллари йиғиндиси;

Sp — хавф даражасини аниқлашда қўлланган потенциал солиқ хавфи баллари йиғиндиси.

Бунда солиқ хавфи даражаларини баҳолаш натижалари юқоридан камайиш тартибида, баҳолаш натижалари тенг бўлганда эса — тўланмаган солиқ суммаси эҳтимоли асосида қуидагича тоифаланади:

81 фоиздан 100 фоизгacha — юқори хавф;

30 фоиздан 80 фоизгacha — ўрта хавф;

1 фоиздан 29 фоизгacha — паст хавф.

Солиқ хавфи даражаси юқори бўлган солиқ тўловчиларга нисбатан солиқ аудити тайинланади. Солиқ хавфи даражаси ўрта ва паст бўлган солиқ тўловчиларга нисбатан солиқ органлари томонидан Солиқ кодексида назарда тутилган бошқа солиқ маъмурчилиги тадбирлари қўлланилади.

Солиқ хавфи даражасини аниқлаш даврийлиги

Солиқ тўловчининг солиқ хавфи даражаси солиқ хавфини бошқариш тизими асосида олти ойда бир марта аниқланади.

Солиқ хавф даражаси юқори бўлмаган солиқ тўловчилар томонидан ўттиз календарь кундан ортиқ солиқ қарздорлиги тўланмаган тақдирда солиқ хавфи даражаси ҳар чоракда бир марта аниқланиши шарт.

Солиқ тўловчини аниқланган солиқ хавфи даражаси мезонлари ҳақида хабардор қилиш тартиби ва муддатлари

Солиқ хавфини бошқариш тизимида маҳфий бўлмаган мезонлар орқали аниқланган солиқ хавфи даражаси мезонлари ҳақидаги маълумотлар Давлат солиқ қўмитасининг расмий веб-сайтида жойлаштирилади.

Солик тўловчилар зарур ҳолларда солик тўловчининг шахсий кабинети орқали солик органларига солик хавфи даражаси мезонлари бўйича тушунтиришлар юборишга ҳақли.


Ушбу Низомнинг 18-бандида назарда тутилган солик органлари томонидан олинган солик тўловчиларнинг тушунтиришлари, солик хавфини бошқариш тизимини қўллашда ва солик хавфини тузатишида ҳисобга олиниши мумкин.

Камерал солик текшируvida смарт технологиялар қандай ва қайси асос хужжатларга асосан солик органларининг маълумотар базасида шакилланади?

2019 йил якунига қадар амалда бўлган солик Кодексининг 84-моддасида “Солик тўловчиларнинг мажбуриятлари юзага келганлиги тўғрисида ахборот тақдим этадиган органлар ва ташкилотлар ҳамда уларнинг мажбуриятлари” белгиланган эди.³²

Маълумотлар базаси структураси

3-расм



2020 йилга келиб эса солик Кодексинин янги таҳрири тасиқланиб солик тўловчиларнинг мажбуриятлари юзага келганлиги тўғрисида ахборот тақдим

³² Ўзбекистон Республикасининг Солик кодекси, 2019

этадиган органлар ва ташкилотлар ҳамда уларнинг мажбуриятлари 133 ва 134-моддаларда белигилаб қўйилди.³³

ХУЛОСА ВА ТАКЛИФЛАР

- Смарт технологиялар маълумотлар базасини тўлиқ, мукаммал ва ўз вақтида шакллантирилишини таъминлаб бориш мақсадида Ўзбекистон Республикаси маъмурий жавобгарлик тўғрисидаги кодексининг 215/З-моддасига тегишли ўзгартиришлар китирилгани холда маълумотларни тақдим этадиган корхона ва ташкилотлар раҳбарларининг масъулиятини солиқ агентлари масъулиятига tengлаштириш ҳамда жавобгарлигини ошириш, хато тақдим қилган, маълумотларни тўлиқ ёки умуман тақдим этмаган ташкилотларга нисбатан **кескин** чоралар кўрадиган механизмни назорат қилишни кучайтириш ва чора қўриш ваколатини **юқори турувчи** давлат органларига ўтказиш лозим.

- АВ-1321-сонли низомига ўзгартириш киритган холда, хўжалик юритувчи субъектларни йирик миқдордаги банк айланмаларни айланма амалга оширилган бир вақтнинг ўзида, айнан шу субъект томонидан йирик миқдордаги айланма амалга оширилгандан сўнг маълум муддат учун барча айланмаларини ва контрагент ташкилотнинг ҳам ўтказиб берилган пулни нима мақсадларга сарфланиши бўйича айланмаларни, миқдоридан қатъй назар, инсон омилисиз онлайн равища Тижорат банкларнинг бош идоралари орқали эмас, Марказий банк томонидан Давлат солиқ қўмитасининг ташқи манба маълумотлар базасига тақдим этиш лозим.

- Солиқ Кодексининг 134-моддаси назарда тутилган маълумотларни тижорат банклари томонидан Солиқ органининг банк мижозига нисбатан ахборот тақдим этиш тўғрисидаги сўровига биноан банк ёзма сўров олинган кундан эътиборан уч кун ичida тақдим этиш тартибиغا ўзгартириш киритган холда, Мазкур маълумотлар бевосита солиқ солиш билан боғлиқ, шунинг учун ушбу маълумотларни инсон омилисиз онлайн тақдим этилишилиши лозим деб хисоблаймиз.

АДАБИЁТЛАР/ЛИТЕРАТУРА/REFERENCE:

1. Artemenko D.A., Aguzarova L.A., Aguzarova F.S., Porollo E.V. (2017) “Causes of Tax Risks and Ways to Reduce Them”. Pages 454-458.
2. OECD (2020), “Tax Administration 3.0: The Digital Transformation of Tax Administration”. Pages 10-24.

³³ Ўзбекистон Республикасининг Солиқ кодекси, 2020

3. Кодекс (2019) Ўзбекистон Республикасининг янги таҳрирдаги Солик кодекси. / Code (2019) Tax Code of the Republic of Uzbekistan in the new edition.
4. Фармон (2020) Ўзбекистон Республикаси Президентининг 2020 йил 30 октябрдаги “Яширин иқтисодиётни қисқартириш ва солик органлари фаолияти самарадорлигини ошириш бўйича ташкилий чора-тадбирлар тўғрисида” ПФ-6098-сон. / Decree (2020) of the President of the Republic of Uzbekistan dated October 30, 2020 No PD-6098 "On organizational measures to reduce the shadow economy and increase the efficiency of tax authorities." www.lex.uz
5. Қарор (2010) Ўзбекистон Республикаси Президентининг 2010 йил 8 январдаги “Республика солик органлари тизимини янада модернизация қилиш чора-тадбирлари тўғрисида” ПҚ-1257-сон. / Resolution (2010) No. PR-1257 of the President of the Republic of Uzbekistan dated January 8, 2010 “On measures to further modernize the system of tax authorities of the Republic”. www.lex.uz
6. Қарор (2012) Ўзбекистон Республикаси Президентининг 2012 йил 30 октябрдаги “Ўзбекистон Республикаси давлат солик хизмати идоралари ахборот-коммуникация тизими фаолияти самарадорлигини янада ошириш чора-тадбирлари тўғрисида”ги ПҚ1843-сон. / Resolution (2012) No. PR-1843 of the President of the Republic of Uzbekistan dated October 30, 2012 "On measures to further increase the efficiency of the information and communication system of the state tax service of the Republic of Uzbekistan."www.lex.uz